



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2467/11
Sarajevo, 24.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO
27-02-2012

PRIMLJENO:			
Organizaciona jedinica	Klasifikaciona oznaka	Prilozni broj	Broj prijema
			01-50-1-15-14/11

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupničko pitanje koje je postavio Amir Fazlić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2467/11
Sarajevo, 23.2.2012. godine

Amir Fazlić, poslanik u Predstavničkom domu Parlamentarne skupštine Bosne i Hercegovine, na 14. sjednici Predstavničkog doma održanoj 24. novembra 2011. godine, postavio je sljedeća pitanja :

“1. Šta je Vijeće ministara poduzelo i šta poduzima na zaštiti naših građana (BiH) vezano za staru deviznu štednju u Ljubljanskoj banci i Invest banci u Beogradu?

2. Ima li novih momenata vezano za ovaj problem?

3. Dali je neko od građana BiH ostvario pravo povrata štednje – novca iz ove dvije banke?”

“Obzirom da veliki broj starih deviznih štediša kod Ljubljanske banke potražuje znatan iznos sredstava, moje pitanje je – Šta je Ministarstvo učinilo do sada i šta planira uraditi kako bi se građanima BiH vratio zarađeni novac?”

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo sljedeći

ODGOVOR

” Iako su po pitanju stare devizne štednje kod nedomesticnih banka – pokretane i vođene određene aktivnosti, te isto aktualizirano prilikom sastanaka državnih zvaničnika Slovenije i Bosne i Hercegovine – nije bilo značajnijih pomaka o načinu dogovora za konkretno razrješavanje te problematike.

Zakonom o izmirenju obveza po osnovi računa stare devizne štednje («Službeni glasnik BiH», br. 28/06, 76/06 i 72/07), preuzeta je obveza po pitanju razrješavanja stare devizne štednje deponirane kod stranih banaka na teritoriji BiH (Ljubljanska banka, Invest banka i dr.), tj.

Naime, u vezi stare devizne štednje kod Ljubljanske banke, Invest banke i drugih banaka čije je sjedište bilo van teritorija Bosne i Hercegovine, odredbama članka 1. navedenog Zakona propisano je da je obaveza vraćanja te štednje, prema Sporazumu o sukcesiji – *obaveza države sljednice bivše SFRJ na čijoj se teritoriji nalazilo sjedište te banke*, te da će Bosna i Hercegovina kroz svoje međunarodne aktivnosti pomoći štedišama koji imaju štednju kod tih banaka da ostvare svoja prava, najmanje jednako kao i štediše kod banaka čije se sjedište nalazilo na teritoriji Bosne i Hercegovine.

Istovremeno, i Ustavni sud Bosne i Hercegovine, razmatrajući u meritumu po određenim apelacijama građana u svrhu potraživanja po osnovu stare devizne štednje kod Ljubljanske banke i Invest banke Beograd, zauzeo je stav da nema odgovornosti Bosne i Hercegovine u pogledu isplate stare devizne štednje kod Ljubljanske banke, ali da je Bosna i Hercegovina odgovorna što je propustila da djelotvorno zaštititi prava apelanata na mirno uživanje njihove imovine (AP 164/04 od 1. aprila 2006. godine).

Kod takve situacije, a imajući u vidu da do sada preduzete i vođene aktivnosti u svrhu predmetne problematike nisu rezultirale razrješenjem, *Vijeće ministara Bosne i Hercegovine, na 84. sjednici održanoj 16.07.2009. godine usvojilo je Prijedlog Strategije i modalitete načina razrješenja stare devizne štednje kod Ljubljanske banke, Invest banke Beograd i drugih nedomicilnih banaka.*

Navedena strategija pripremljena je u cilju realizacije Zaključka Vijeća ministara BiH kojim je zaduženo Ministarstvo vanjskih poslova, Ministarstvo finansija i trezora, Ministarstvo pravde i Ministarstvo za ljudska prava i izbjeglice da pripreme Prijedlog strategije i modalitete načina razrješenja stare devizne štednje kod Ljubljanske banke, Invest banke Beograd i drugih nedomicilnih banaka.

Predmetnom strategijom Država je preuzela obavezu na zaštiti prava građana koji potražuju svoju imovinu – deviznu štednju od drugih država, a problem jasno definisala uz utvrđivanje aktivnosti nadležnih institucija u pravcu rješenja. Pri ovome je istaknut temeljni pristup u procesu rješavanja devizne štednje kod nedomicilnih banaka, tj. činjenica da se radi o privatno-pravnom ugovornom odnosu imaoca devizne štednje. U dosadašnjem periodu, elementarni nesporazumi su u tumačenju Sporazuma o sukcesiji. Naime, Republika Slovenija predmetno pitanje veže za sukcesiju, na način da se pitanje isplate štediša vezuje za, navodno, deponovana sredstva kod NBJ. Pri tome ignoriraju činjenicu da se štedišama ne može usloviti rješenjem sukcesijskih odnosa i odnosa sa bivšom NBJ, jer se ne radi o materiji koja je predmet sukcesije SFRJ, nego o privatnopravnom ugovornom odnosu s bankom u koji se Slovenija umiješala štiteći vlastite interese.

Strateški ciljevi za rješavanje pitanja stare devizne štednje kod Ljubljanske banke, Invest banke Beograd i drugih nedomicilnih banaka se zasnivaju na provođenju i odgovornosti Bosne i Hercegovine spram Evropske povelje o ljudskim pravima i temeljnim slobodama. Ovi strateški ciljevi predstavljaju postupke i mjere koje će poduzeti Bosna i Hercegovina u svrhu rješavanja stare devizne štednje kod nedomicilnih banaka. U ovaj proces potrebno je da se uključe nosioci zakonodavne i izvršne vlasti Bosne i Hercegovine, ovisno o nadležnostima i ovlaštenjima.”

Kako smo naveli Bosna i Hercegovina nije preuzela obaveze isplate stare devizne štednje nedomicilnih banaka, koje su Sporazumom o sukcesiji dogovorene kao obaveze države sljednice bivše SFRJ na čijoj se teritoriji nalazilo sjedište te banke, pa u vezi s tim Bosna i Hercegovina nikom od građana BiH nije isplaćivala položena sredstva u ovim bankama, niti je bilo sistemskog vraćanja novca od strane banaka ili zemalja u kojima ove banke imaju sjedišta. O

eventualnim pojedinačnim naplatama deviznih potraživanja od strane naših građana nemamo podataka.

Pred Sudom za ljudska prava u Strasbourgu u tijeku je rješavanje velikog broja aplikacija podnesenih od strane deviznih štediša.

Jedna od takvih je i aplikacija br. 60642/08 Ališić i drugi protiv Bosne i Hercegovine i ostalih.

Naime, radi se o bh. deviznim štedišama, koji tuže sve zemlje bivše SFRJ zbog neisplate „stare“ devizne štednje položene u podružnicama Ljubljanske banke i Invest banke Beograd.

U skladu sa zaključcima Vijeća ministara Bosne i Hercegovine od 14.09.2011. godine, zaduženi su Ministarstvo financija i trezora Bosne i Hercegovine, Federalno ministarstvo financija, Centralna banka Bosne i Hercegovine, Agencija za bankarstvo Bosne i Hercegovine i Ministarstvo vanjskih poslova da u ime svojih institucija imenuju stručnjake koji će intenzivno surađivati sa zastupnikom Vijeća ministara Bosne i Hercegovine pred Europskim sudom za ljudska prava u izradi izjašnjenja i zastupanju Vijeća ministara Bosne i Hercegovine u predmetu Ališić i drugi protiv Bosne i Hercegovine i ostalih pred Sudom.

Ministarstvu financija i trezora Bosne i Hercegovine, kao i ostalim institucijama, više je puta od strane zastupnika/agenta Vijeća ministara Bosne i Hercegovine pred Europskim sudom za ljudska prava upućivan zahtjev za izjašnjenje u vezi s tužbom, što je i učinjeno.

Stav je Bosne i Hercegovine da je predmetna aplikacija u cijelosti dopustiva u odnosu na tužene R. Sloveniju i R. Srbiju, po svim osnovama iz članka 35. Konvencije, koji se odnosi na uvjete prihvatljivosti aplikacije.

Bit ovog predmeta je u dugovanju LB d.d. Ljubljana i Invest banke Beograd prema svojim štedišama (uključujući i aplikante) i u zakonskom onemogućavanju štediša da ostvare svoja potraživanja prema navedenim bankama, čime se R. Slovenija umiješala u privatnopravni odnos štediše i banke.

R. Slovenija tvrdi da je ova problematika isključivo predmet sukcesije, jer se na taj način otvara mogućnost za R. Sloveniju da svoj vlastiti dug (dug LB d.d. Ljubljana prema štedišama) bez pravne osnove prenese na sve države sljednice bivše SFRJ. Isključivo inzistiranje R. Slovenije da se ovo pitanje rješava u okviru sukcesije odugovlači rješavanje ovog problema na štetu štediša iz Bosne i Hercegovine i aplikanata, a na korist R. Slovenije. Bosna i Hercegovina je stava da je pitanje štednje položene u organizacijsko-poslovnu jedinicu LB d.d. Ljubljana isključivo pitanje privatnopravnog odnosa štediše i banke, a nikako pitanje raspodjele garancija bivše SFRJ za staru deviznu štednju, s obzirom na to da garancija bivše SFRJ nikada i nije aktivirana. Bosna i Hercegovina tvrdi da je uzrok ovog predmeta pred Sudom zakonsko onemogućavanje štediša od strane R. Slovenije i R. Srbije da ostvare svoja potraživanja od slovenske i srbijanske banke u kojima su imali svoju deviznu štednju, čime su R. Slovenija i R. Srbija povrijedile prava aplikanata zagarantirana Konvencijom.

Sud u Starasbourgu je 17. listopada 2011. godine proglasio zahtjeve dopuštenima u odnosu na sve države.

U tijeku je donošenje Odluke o osnovanosti predmeta.